



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ՈՐՈՇՈՒՄ

N 201-Ա

11 ապրիլի 2025 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ ՄԱՐԶԻ
«ԾՈՎԱԳՅՈՒՂԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՀՊԱՆՄԱՆ ԿԵՆՏՐՈՆ»
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՄԵԿԱՄՅԱ ԶԱՐԳԱՑՄԱՆ
ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Տարածքային կառավարման մասին» օրենքի 5-րդ հոդվածի 3-րդ մասի, 14-րդ հոդվածի, «Կառավարչական իրավահարաբերությունների կարգավորման մասին» օրենքի 16-րդ հոդվածի 1-ին մասի ու 19-րդ հոդվածի դրույթներով որոշում եմ՝

1. Հաստատել Հայաստանի Հանրապետության Գեղարքունիքի մարզի «Ծովագյուղի առողջության առաջնային պահպանման կենտրոն» պետական ոչ առևտրային կազմակերպության 2025-2026 թվականների մեկամյա զարգացման ծրագիրը:



Ստորագրող: ZAROYAN VAHAN 3103860463

ՄԱՐԶՊԵՏԻՆ ՓՈԽԱՐԻՆՈՂ

Վ. ԶԱՐՈՅԱՆ
ք.Գավառ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԵՂԱՐՔՈՒՆԻՔԻ ՄԱՐԶ



<<ԾՈՎԱԳՅՈՒՂԻ ԱԱՊԿ>> ՊՈԱԿ

գ.Ծովագյուղ փ.16 տ.4էլ.փոստ՝ covagyuxi.aapk@mail.ru

ՀՀ Գեղարքունիքի մարզպետին փոխարինող
Վ. Չարոյանին

<<10>> 04. 2025թ.

Հարգելի՛ պարոն Վ. Չարոյան, Ծովագյուղի ԱԱՊԿ ՊՈԱԿ-ը Ձեզ է ներկայացնում 2025-2026
թվականների զարգացման և բարեփոխման հայեցակարգը :

Տնօրենի ժ/պ՝ Digitally signed by
MINASYAN KAREN
1708750045
Date: 2025.04.10
12:03:58 AMT

Վ. Մինասյան

Հաստատում եմ

ՀՀ Գեղարքունիքի մարզպետին իրիարինող

Վ. Զարոյան

<<11>> 2025թ.



<<ԾՈՎԱԳՅՈՒՂԻ ԱՌՈՂՋՈՒԹՅԱՆ ԱՌԱՋՆԱՅԻՆ ՊԱՀՊԱՆՄԱՆ ԿԵՆՏՐՈՆ>>
ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

2025-2026 թվականների

Հաստատում եմ

ՀՀ Գեղարքունիքի մարզպետին իրիարինող

Վ. Զարոյան

ԶԱՐԳԱՅՄԱՆ ԵՎ ԲԱՐԵՓՈԽՄԱՆ ՀԱՅԵՑԱԿԱՐԳ

Ծրագիրը կազմող՝
<<Ծովագյուղի ԱԱՊԿ>>

պետական ոչ առևտրային
կազմակերպության

տնօրեն Կարեն Մինասյան



<<Ծովագյուղի ԱԱՊԿ>> ՊՈԱԿ-ը գտնվում է ՀՀ Գեղարքունիքի մարզի Սևան համայնքում: Զբաղեցնում է Ծովագյուղի բնակավայրում՝ առանձին շենքում սեփականության հիմունքներով: ՊՈԱԿ-ն ունի մշտական ջրամատակարարում, էներգոմատակարարում և անհատական կոյուղի: Շենքային պայմանները բարվոք վիճակում են, պատուհանները փոխարինվել են նորով, շենքը կապիտալ վերանորոգվել է 2008 թվականին:

2008 թվականին շենքը գազաֆիկացվել է և տեղադրվել է ջեռուցման համակարգ: <<Ծովագյուղի ԱԱՊԿ>> ՊՈԱԿ-ը սպասարկում է երկու բնակավայրի շուրջ 3587 բնակիչ: Իր ենթակայության ներքո ունի մեկ ԲՄԿ՝ Սեմյոնովկայի ԲՄԿ, որը գտնվում է Աեմյոնովկա բնակավայրում և սպասարկում է մոտ 255 բնակիչ: Բնակավայրերի հետ համագործակցության արդյունքում Սեմյոնովկայի ԲՄԿ-ն տեղակայված է կուլտուրայի տան սենյակներից մեկում և բոլոր կոմունալ ծախսերը կատարվում են համայնքապետարանի կողմից:

Սեմյոնովկայի ԲՄԿ-ի սենյակը 2023 թվականին վերանորոգվել է, բայց ունի ջեռուցման խնդիր, որը կատարվում է էլեկտրոէներգիայով:

Բնակավայրի բնակչությանը պատշաճ բժշկական օգնություն ցուցաբերելու համար կատարվում է ԲՄԿ այցերը՝ ամսվա կտրվածքով: Ուստի իրատեսական է, որ բնակավայրերի համագործակցության արդյունքում գործող ներհամայնքային հասարակական տրանսպորտը շահագործվի ավելի երկար, որի շնորհիվ կապահովվի բնակավայրից բնակչության ֆիզիկական հասանելիությունը ՊՈԱԿ-ին: ՊՈԱԿ-ը կադրերով հագեցած է, ունեն վերապատրաստումներ, անհատական շարունակական տարբեր բժշկական ծրագրերի մասնակցություններ:

2025-2026 թվականների զարգացման և բարեփոխման ծրագրերի շրջանակներում նախատեսվում է՝

1. Առողջության առաջնային պահպանման ծառայությունների գծով բժշկական օգնության և սպասարկման իրականացման սկզբունքի պահպանումը:

2. Առողջության առաջնային պահպանման օղակում դերի բարձրացման ուղղված միջոցառումների ապահովումը:

3. Առողջության առաջնային պահպանման օղակում ծառայության կանխարգելիչ ուղղվածության ամրապնդումն ու ուժեղացումը:

4. Իրականացվող բժշկական օգնության և մատուցվող ծառայությունների որակի բարելավումը:

5. Առողջության առաջնային պահպանման օղակում ծառայության նյութատեխնիկական բազայի ամրապնդումը և այդ ամենի արդյունքում՝ հիվանդանոցային բուժօգնության բեռի թեթևացումը:

6. Առողջության առաջնային պահպանման օղակում մատուցվող ծառայությունների որակի բարձրացման նպատակով ըստ կատարված

աշխատանքների արդյունքների գնահատման խրախուսական ֆինանսավորման մեխանիզմների կիրառման ընդլայնումը:

7. Սոցիալական կախվածություն և հատուկ նշանակություն ունեցող հիվանդությունների վաղ հայտնաբերման, բուժման և վերականգնողական միջոցառումները:

8. Բնակչության առողջության պահպանման, հիվանդությունների կանխարգելման, ախտորոշման, հիվանդների բուժման և նրանց նկատմամբ շարունակական հսկողության ապահովումն, անհրաժեշտության դեպքում հիվանդանոցային բուժման կարիք ունեցողների հոսպիտալացման կազմակերպման միջոցառումների իրականացումը ընտանեկան բժիշկների կողմից ողջ բնակչության համար, առանց հաճախումների սահմանափակման:

9. Առողջ ապրելակերպի քարոզչության և կանխարգելման ծրագրերի իրականացումը առողջության առաջնային պահպանման մասնագետների՝ ընտանեկան բժիշկների կողմից ամբողջ բնակչության համար:

10. Շաքարային դիաբետի վաղ հայտնաբերումն ու կանխարգելումը ռիսկի խմբում ընդգրկված բոլոր անձանց համար:

11. Սրտանոթային հիվանդությունների վաղ հայտնաբերումն ու կանխարգելումը ռիսկի խմբում ընդգրկված բոլոր անձանց համար:

Դեղերով ապահովման գծով (արդյունավետություն, անվտանգություն, որակ) տեղամասային թերապևտների, ընտանեկան բժիշկների միջոցով բնակչության անվճար և արտոնյալ պայմաններով դեղերով ապահովումը համաձայն Հայաստանի Հանրապետության կառավարության կողմից սահմանված կարգի: Սույն զարգացման ծրագրի շրջանակներում առաջիկա տարում հնարավոր ռիսկերն են՝

1. Արտագաղթը :

2. Բուժ սպասարկման ծավալների ոչբավարար իրագործում :

Ուստի հնարավոր ռիսկերի մեղմացման նպատակով նախատեսվում է իրականացնել հետևյալ միջոցառումները:

1. Ազգաբնակչության բուժսպասարկման որակի բարելավում, որը իր մեջ ներառում է բուժ անձնակազմի պարբերաբար վերապատրաստումները:
2. Նորագույն սարքավորումների ձեռքբերում և տեխնոլոգիաների ներդնում:

Բնակչությանը պատշաճ բժշկական օգնություն և սպասարկում ցուցաբերելու համար անհրաժեշտ են նաև բժշկական սարքավորումներ, ընտանեկան բժշկի գործառույթները իրականացնելու համար: Սարքավորումներ տրամադրվել է համաշխարային բանկի կողմից, որոշ չափով ձեռք է բերվել կազմակերպության կողմից, որոշ օժանդակություն տրամադրվել է Վոլտ-Վիժեն կազմակերպությունը: Բացի վերը նշվածից բնակչությանը պատշաճ բժշկական օգնություն և սպասարկում տրամադրելու համար կարևոր է ունենալ բարձր որակավորում ունեցող բժշկական անձնակազմ:

Առաջիկա տարիներին ևս սահմանված ընթացակարգով կապահովվի բուժաշխատողների մասնագիտական գիտելիքների և աշխատանքային ունակությունների գնահատմանն ուղղված կազմակերպչական աշխատանքները: Գնահատման հիման վրա կկազմակերպվեն բուժաշխատողների մասնագիտական գիտելիքների և աշխատանքային ունակությունների կատարելագործումը վերապատրաստումների, ինչպես նաև մարզում կազմակերպվող տարբեր առողջապահական դասընթացներին մասնակցելու միջոցով:

Կարևոր է համագործակցությունը առաջատար աշխատանքային փորձ ունեցող առողջության առաջնային պահպանման կենտրոնների հետ փորձի փոխանակման նպատակով:

Հիվանդությունների վաղ հայտնաբերման նպատակով ապահովել սկրինինգային ծրագրերի լիարժեք կատարումը՝ ընդգրկելով բնակչության նախատեսված տարիքային մեծամասնությանը: Հիվանդությունների կանխարգելման նպատակով բարձրացնել իմունիզացման ժամանակին ընդգրկվածության մակարդակը: Բացատրական աշխատանքներ տանել պատվաստումներից հրաժարվող բնակչության շրջանում՝ նվազագույնի հասցնելով նրանց թիվը: Իրազեկել բնակչությանը առողջ ապրելակերպի գործառույթներին, զերծ մնալ վնասակար սովորույթներից, իրազեկել առողջապահական բարեփոխումների մասին: Արգանդի վզիկի քաղցկեղի կանխարգելման նպատակով ապահովել 13-14 տարեկան կանանց պատվաստումը ՄՊՎ պատվաստանյութով: Բնակչության շրջանում հաշմանդամության նվազեցման նպատակով հաշմանդամության բերող հիվանդությունները ժամանակին կանխարգելել և բուժել:

Գործընթացը ավելի թափանցիկ դարձնելու և բնակչությանը իրազեկելու համար նախատեսվում է ՊՈԱԿ-ի անունից ստեղծել սոցիալական կայք էջ:

Անուն Ազգանուն

Հասցե

Հեռախոս

Կարեն Մինասյան

Գեղարքունիքի մարզ

գ.Ծ ովագյուղ փ.16,տ.4

098331334

10.04.2025թ.